

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1431/12  
Sarajevo, 04.12.2012. godine

## Z A P I S N I K

### **11. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 4. decembra 2012. godine**

Sjednica je počela u 12.12.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, premijera Federacije Nermina Nikšića, ministre u Vladi Federacije, predstavnike akreditiranih medijskih kuća koji prate rad sjednice i goste.

Izostanak sa sjednice opravdale su Elvira Abdić-Jelenović i Daliborka Milović.

Na osnovu evidencije Stručne službe, predsjedavajući je konstatovao da sjednici prisustvuje 35 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je premijer Federacije dostavio Prijedlog Budžeta Federacije BiH za 2013. godinu i Prijedlog Zakona o izvršenju Budžeta Federacije BiH za 2013. godinu sa prijedlogom da se razmatraju po hitnom postupku.

U raspravi o dnevnom redu učestvovali su: Jasenko Tufekčić, Sretko Radišić, Josip Perić, Radoje Vidović, premijer Federacije Nermin Nikšić, Amir Zukić, Aner Žuljević, Damir Čardžić, Dževad Rađo i Hajrudin Bećirović.

Josip Perić je predložio da se u dnevni red uvrsti tačka - Prijedlog Zakona o izmjenama Zakona o Vladi Federacije BiH. Predsjedavajući je predložio da se u skladu sa Poslovníkom o radu Doma naroda predloži uvrštavanje ovog prijedloga Zakona u dnevni red naredne sjednice Doma naroda.

Amir Zukić je, u ime Kluba delegata bošnjačkog naroda, zatražio odgovor od predsjedavajućeg Doma naroda da li su Prijedlog Budžeta Federacije BiH za 2013. godinu i Prijedlog Zakona o izvršavanju Budžeta Federacije BiH za 2013. godinu dostavljeni Parlamentu Federacije u skladu sa čl. od 186. do 189. i članom 201. Poslovníka o radu Doma naroda.

Predsjedavajući je odgovorio da je dnevni red za ovu sjednicu predložen uz konsultaciju sa članovima Kolegija Doma naroda.

Hajrudin Bećirović je izjavio da Amir Zukić nema ovlaštenje zastupati stavove svih članova Kluba.

Nakon toga je Amir Zukić, u ime Kluba, zatražio pauzu.

Nakon pauze, Amir Zukić je izjavio da će članovi Kluba učestvovati u radu ove sjednice, ali da će biti upućena inicijativa za traženje mišljenja da li je dostavljanje i donošenje Prijedloga Budžeta Federacije BiH za 2013. godinu i Prijedloga Zakona o

izvršavanju Budžeta Federacije BiH za 2013. godinu u skladu sa Ustavom Federacije BiH.

Sa 36 glasova za, uz četiri glasa protiv i uz sedam uzdržanih glasova, Dom naroda Parlamenta Federacije BiH prihvatio je da se Prijedlog Budžeta Federacije BiH za 2013. godinu razmatra po hitnom postupku.

Sa 37 glasova za, uz četiri glasa protiv i uz osam uzdržanih glasova, Dom naroda Parlamenta Federacije BiH prihvatio je da se Prijedlog Zakona o izvršavanju Budžeta Federacije BiH za 2013. godinu razmatra po hitnom postupku.

Sa 39 glasova za, uz tri glasa protiv i uz devet uzdržanih glasova, Dom naroda Parlamenta Federacije BiH usvojio je sljedeći:

## **D N E V N I R E D**

- 1. Prijedlog Budžeta Federacije BiH za 2013. godinu – hitni postupak,**
- 2. Prijedlog Zakona o izvršavanju Budžeta Federacije BiH za 2013. godinu – hitni postupak.**

### **1. Prijedlog Budžeta Federacije BiH za 2013. godinu – hitni postupak**

Prijedlog Budžeta Federacije BiH za 2013. godinu dostavio je premijer Federacije BiH.

Predstavnički dom je na 11. vanrednoj sjednici, održanoj 3. decembra 2012. godine, usvojio Prijedlog Budžeta Federacije BiH za 2013. godinu sa tri amandmana koje Vlada Federacije nije prihvatila.

Amandmani glase:

#### **Amandman I.**

614100 tekući transferi drugim nivoima vlasti – KANTONI mijenja se i glasi:

614100 tekući transferi drugim nivoima vlasti – BPK 5.000.000,00 KM

614100 tekući transferi drugim nivoima vlasti – POSAVSKI KANTON 5.000.000,00 KM

614100 tekući transferi drugim nivoima vlasti – SBK 1.000.000,00 KM

614100 tekući transferi drugim nivoima vlasti – HNK 1.000.000,00 KM

614100 tekući transferi drugim nivoima vlasti – ZHK 2.000.000,00 KM

614100 tekući transferi drugim nivoima vlasti – HBK 2.000.000,00 KM

Umanjuju se sljedeće pozicije:

615500 – kapitalni transferi – japanski grant – 2KR – umanjiti za 3.000.000,00 KM

613900 – ugovorene usluge – troškovi provođenja revizije iz oblasti boračko-invalidske zaštite u Federaciji BiH umanjiti za 500.000,00 KM

614100 – akcijski plan strategije okoliša umanjiti za 500.000,00 KM

#### **Amandman II.**

613900 ugovorene usluge – troškovi provođenja revizije iz oblasti boračko-invalidske zaštite u Federaciji BiH umanjuju se za 1.000.000,00 KM

Pozicija 600000 - tekuća rezerva Vlade Federacije BiH uvećava se za 1.000.000,00 KM

### **Amandman III.**

614100 - transfer za usluge recenziranja udžbenika za osnovno i srednje obrazovanje umanjiti za 358.200,00 KM

614100 - transfer za finansiranje obrazovanja povećati za 358.200,00 KM

Prijedlog Budžeta Federacije BiH za 2013. godinu razmatrala su nadležna radna tijela Doma naroda Parlamenta Federacije BiH i dostavila svoje izvještaje.

Prijedlog Budžeta obrazložio je premijer Federacije Nermin Nikšić.

Izvještaj Odbora za ekonomsku i razvojnu politiku, finansije i budžet obrazložio je Salko Selman, predsjednik Odbora.

Izvještaj Odbora za povratak izbjeglih, prognanih i raseljenih lica obrazložio je Mladen Lonić, predsjednik Odbora.

U raspravi su učestvovali: predsjednik Kluba delegata bošnjačkog naroda Amir Zukić, Aner Žuljević, Damir Čardžić, Josip Perić, Jasenko Tufekčić, Zijat Mušić, Ivo Divković, Ivo Tadić, Sretko Radišić, Senahid Šaković, Hajrudin Bećirović, Mustafa Kurtović i predsjednica Kluba delegata srpskog naroda Mira Ljubijankić.

## **2. Prijedlog Zakona o izvršavanju Budžeta Federacije BiH za 2013. godinu – hitni postupak**

Prijedlog Zakona o izvršavanju Budžeta Federacije BiH za 2013. godinu dostavio je premijer Federacije BiH.

Predstavnički dom je na 11. vanrednoj sjednici, održanoj 3. decembra 2012. godine, usvojio Prijedlog Zakona o izvršavanju Budžeta Federacije BiH za 2013. godinu sa tri amandmana koje Vlada Federacije nije prihvatila.

Amandmani glase:

### **Amandman I.**

U članu 38. u stavu 1. iza riječi „Vladi“ dodaju se riječi: „uz pribavljanje mišljenja nadležnih tijela oba doma Parlamenta Federacije BiH“, te spomenuti stav glasi: „Budžetski korisnici su obavezni predložiti Vladi, uz pribavljanje mišljenja nadležnih tijela oba doma Parlamenta Federacije BiH, programe utroška sredstava iz čl. 23., 24., 25., 26., 27., 28., 29., 30., 31., 32., 33., 34., 35., 36. i 37. ovog zakona.“

### **Amandman II.**

U članu 36. brisati riječi: „za Transfer za usluge recenziranja udžbenika za osnovno i srednje obrazovanje“.

### **Amandman III.**

U članu 41. u stavu 2. nakon riječi: „vrši se“ pisati zarez i riječi: „uz saglasnost premijera“.

Prijedlog Zakona o izvršenju Budžeta Federacije BiH za 2013. godinu razmatrala su nadležna radna tijela Doma naroda Parlamenta Federacije BiH i dostavila svoje izvještaje.

U raspravi nije niko učestvovao.

Premijer Federacije Nermin Nikšić se osvrnuo na raspravu o Prijedlogu Budžeta Federacije BiH za 2013. godinu zahvalivši svima koji su učestvovali u raspravi.

Predsjedavajući je podsjetio delegate da je potpuno identične amandmane onima iz Predstavničkog doma iz proceduralnih razloga uložio i Klub delegata

hrvatskog naroda, te pozvao delegate Doma naroda da ih podrže kako bi Prijedlog Budžeta Federacije BiH za 2013. godinu bio usvojen u istovjetnom tekstu.

Također, Damir Čardžić je uložio jedan amandman na Prijedlog Budžeta Federacije BiH za 2013. godinu kojim predlaže da se u Budžetu Federacije BiH za 2013. godinu otvori nova stavka za izmirenje obaveza za poticaje u poljoprivredi u iznosu od 39.855.242,19 KM.

Nakon toga prešlo se na glasanje.

Sa 39 glasova za, uz jedan glas protiv i uz tri uzdržana glasa, Dom naroda Parlamenta Federacije BiH usvojio je Amandman I. Kluba delegata hrvatskog naroda na Prijedlog Budžeta Federacije BiH za 2013. godinu.

Sa 40 glasova za i uz šest uzdržanih glasova, Dom naroda Parlamenta Federacije BiH usvojio je Amandman II. Kluba delegata hrvatskog naroda na Prijedlog Budžeta Federacije BiH za 2013. godinu.

Sa 42 glasa za i uz osam uzdržanih glasova, Dom naroda Parlamenta Federacije BiH usvojio je Amandman III. Kluba delegata hrvatskog naroda na Prijedlog Budžeta Federacije BiH za 2013. godinu.

Sa 15 glasova za, uz 19 glasova protiv i uz 15 uzdržanih glasova, Dom naroda Parlamenta Federacije BiH nije usvojio amandman Damira Čardžića na Prijedlog Budžeta Federacije BiH za 2013. godinu.

Sa 41 glasom za, uz jedan glas protiv i uz sedam uzdržanih glasova, Dom naroda Parlamenta Federacije BiH usvojio je Prijedlog Budžeta Federacije BiH za 2013. godinu.

Prije izjašnjavanja o Prijedlogu Zakona o izvršavanju Budžeta Federacije BiH za 2013. godinu Amir Zukić je zatražio pauzu.

Nakon pauze, Amir Zukić je izjavio da su članovi Kluba analizirali usvojene amandmane na Prijedlog Zakona i da je većina članova zauzela stav da se Amandmanom I. uvodi praksa koja bi otežavala i usporila trošenje sredstava iz budžeta traženjem mišljenja nadležnih radnih tijela oba doma Parlamenta Federacije. Također, izjavio je da se Amandmanom III. oduzimaju nadležnosti federalnom ministru finansija.

Predsjedavajući je podsjetio delegate da je potpuno identične amandmane onima iz Predstavničkog doma iz proceduralnih razloga podnio Klub delegata hrvatskog naroda, te pozvao delegate Doma naroda da ih podrže kako bi Prijedlog Zakona o izvršenju Budžeta Federacije BiH za 2013. godinu bio usvojen u istovjetnom tekstu u oba doma Parlamenta Federacije BiH.

Sa 37 glasova za, uz jedan glas protiv i uz šest uzdržanih glasova, Dom naroda Parlamenta Federacije BiH usvojio je Amandman I. Kluba delegata hrvatskog naroda na Prijedlog Zakona o izvršenju Budžeta Federacije BiH za 2013. godinu.

Sa 37 glasova za i uz pet uzdržanih glasova, Dom naroda Parlamenta Federacije BiH usvojio je Amandman II. Kluba delegata hrvatskog naroda na Prijedlog Zakona o izvršenju Budžeta Federacije BiH za 2013. godinu.

Sa 35 glasova za, uz jedan glas protiv i uz šest uzdržanih glasova, Dom naroda Parlamenta Federacije BiH usvojio je amandman III. Kluba delegata hrvatskog naroda na Prijedlog Zakona o izvršenju Budžeta Federacije BiH za 2013. godinu.

Sa 39 glasova za, uz jedan glas protiv i uz šest uzdržanih glasova, Dom naroda Parlamenta Federacije BiH usvojio je Prijedlog Zakona o izvršavanju Budžeta Federacije BiH za 2013. godinu.

Predsjedavajući je zahvalio Dragi Puzigaći koji je odustao od svog amandmana.

Nakon toga predsjedavajući je pozvao delegate da usvoje sljedeći:

## **ZAKLJUČAK**

Budući da je Budžet Federacije BiH za 2013. godinu usvojen u Domu naroda Parlamenta Federacije BiH po hitnom postupku u specifičnim okolnostima, zadužuje se Vlada Federacije BiH da početkom 2013. godine utvrdi i u parlamentarnu proceduru dostavi Izmjene i dopune Budžeta Federacije za 2013. godinu u redovnoj proceduri kako bi svi delegati mogli na odogovarajući način učestvovati u donošenju Izmjena i dopuna Budžeta Federacije.

Sa 39 glasova za i uz jedan uzdržani glas, Dom naroda Parlamenta Federacije BiH usvojio je predloženi Zaključak.

Sjednica je završena u 16.57.

Transkript i prijepis transkripta sjednice čine sastavni dio Zapisnika.

SEKRETAR

Izmir Hadživdčić

PREDSJEDAVAJUĆI

Radoje Vidović